

Guangjsih Minzczu Bau

ganhhau: CN45-0036 B.2019 Nd.9 Ng.25 liggaeuq geijhah nienz ndwenbet ngeihcaet

广西民族报

(壮文版)

主管主办: 广西壮族自治区

民族宗教事务委员会

编辑出版: 广西民族报社

出版期数: 总第 3393 期

Hong Saw Vah Minzczu Hozciz Si Banhfap Rengzrwd Aeundaej Cingzcik Yienhda

Geij bi neix daeuj, Hozciz Si doengh aen bouhmonz guh hong vah minzczu caeuq minzczu cungfaen fatok ciznwngz cozung, roengzrengz bauj-cang gij gienzleih gak minzczu yungh caeuq hwnghat saw vah bonjfaenh, cauhlaeb gij ndwenngoenz vah ndawbiengz lai cungj vah huzndei, aeundaej cingzcik yienhda.

Gyagiengz senhconz cwnghcwz, gamduk, gveihfan fanhoiz caeuq ndawbiengz yungh Sawcuengh. It dwg doenggvaq bauqceij, densi, vangjloz daengj meizdij, caeuq "sam nyied sam Bouxcuengh", doengh aen hozdung ndwen senhconz minzczu doxgiet cinbu daengj, gvangqlangh senhconz gij cwnghcwz fapgvi saw vah minzczu, gyalai cingzsoq roxyiuj gij cwnghcwz saw vah minzczu. Ngeih dwg youq doengh gij hozdung angqhoh laebbaenz aen yienh gagguenj, fanhoiz, saemj-dingh, genjcaz gamcaz gak cungj byauhyij Sawcuengh, caenhliengh

yungh gveihfan caeuq cingqdenz Sawcuengh. Sam dwg youq minzczu hozdung ciengz beigingj, byauhyij, baiz dazroen daengj cujcz yungh Cuengh Gun song cungj saw.

Doicaenh Sawcuengh haeuj mbanj haeuj hagdangz, gya'gvangq gizdieg hong saw vah minzczu. Boiq-hab aen bouhmonz guhhong gyauyuz guh ndei hong Sawcuengh haeuj hagdangz, haengrengz haeujcoengh aen bouhmonz guhhong gyauyuz caeuq hagdangz Sawcuengh haiguh gak loh hozdung sonhag Sawcuengh, hagdangz sawsonhag, diegsuen hagsib yungh Cuengh Gun song cungj saw, youq dieg guhyienh minzczu vwnzva haeuj hagdangz daengx si, coh hagdangz, diegsuen hagsib, senhconz byauhyij daengj cungj gveihfan yungh Cuengh Gun song cungj saw.

Haiguh hong hwnjguh guhyienh song cungj vah huzndei, coicaenh ndawbiengz yungh saw vah minzczu.

Youq Dunghlanz Yen Vujcon Cin haiguh hong guhyienh Cuengh Gun song cungj saw vah huzndei caemh-youq. Hingzcwng gunghvu, gunghgung fuzvu, ciuq vunzlai aeuyungh gangj Cuengh Gun song cungj vah; gak cungj hozdung, gaenxmaenx cujcz "song vah" hingzsis, baiz geiqhauh dieg gunghgung yungh Cuengh Gun song cungj saw. Doenggvaq doenghgij hong caeuq hozdung neix, hawj gizdieg ndawbiengz yungh saw vah minzczu mboujduenh gyalai.

Banh gak cungj vah minzczu doxdax, aen ban son'gyauq, gyagiengz gij yinxdaeuz saw vah minzczu. Gonqlaeng banh le aen ban son'gyauq Sawyauz, "cungh siuj hagseng yungh Vahcuengh, Vahmauznanz, Vahgun gangj gojgaeq doxdax", aen ban son'gyauq canghfwen Sawcuengh, fungfouq gij hingzsis saw vah minzczu.

(Liengz Minjbingz)

Dunghmungz Fungcingz Youq Cungguek - Dunghmungz Bozlanjvei Yienj



Ndwen 9 ngoenz 22, Gaiq Daihcibroek Cungguek-Dunghmungz Bozlanjvei youq Namz-ningz banh haenx, gyoengq bouxyienj Dunghmungz gak guek langhbaiz gij minzsuz vwnzva caeuq yienjheiq fungcingz mbouj doxdax, baengh aen bingzdaiz bozlanjvei doxgyau vwnzva. Ndaw doz dwg bouxyienj Feihlizbinh youq Namz-ningz Gozci Veicanj Cungsim biujyienj diuqfoux minzczu.

(Cangh Ailinz)

Denhdwngj Yen Cauhmoq Doigvangq "Song Vah Senhconz Byauhyij" Bangrengz Gak Loh Hong

Vih caenh' itbouh gvancez doek-saed 《Aen Diuzlaeh Hong Saw Vah Minzczu Vunznoix Gvangjsih Bouxcuengh Swcigih》, cauh'ok gij heiqfaenh ndawbiengz naekna, bineix doxdaeuj, Denhdwngj Yen gaenxmaenx cauhamoq guhhong fuengsik, cawz doenggvaq yaenqfat swhliu, denswj bingzmu daengj lai cungj caidij gvangqlangh haiguh vut gungz gung-geng, dwk cawz bangvunz simnduk senhconz hozdung le, Denhdwngj Yenveij Senhconzbu, Denhdwngj Yenveij Dungjcanbu, Denhdwngj Yen Minzczu Cunghgyau Fuzvu Cungsim daengj bouhmonz gaenxmaenx boiq-

hab, cawjdoengh guh, cungfaen leihyungh gij daegdiemj caeuq gijndei Vahcuengh senhconz bienhleih hag ngaih rox ngaih, youz Denhdwngj Yenveij Senhconzbu fucwz senjleh neiyungz byauhyij, doeksaed ngaenz-cienz daengj saeh ciengzsaeg, Denhdwngj Yenveij Dungjcanbu, Denhdwngj Yen Minzczu Cunghgyau Fuzvu Cungsim fucwz fanhoiz Sawcuengh, dawzgvn, guh "song vah senhconz byauhyij", cuengq ding youq ndaw singz henz roen Roenhozbingz, Roendenhbauj, Roendenhdauz daengj diuzroen. Mbaw doz "song vah senhconz byauhyij" guh moq haenx,

gezgou moqsag, guh ndaej ndei, daegsaek yienhda, cawz yungh Cuengh Gun song cungj saw le, lijimz geizguek, Laeuz Denh' anhmwnz daengj yenzsu gozbyauh caeuq yenzsu Bouxcuengh lwmnahn dingjmbwn Denhdwngj dem, neiyungz nangqdaengz vut gungz gung-geng, dwk cawz bangvunz simnduk daengj.

"Song vah senhconz byauhyij" hawj vunzlai lai roxyiuj, diuhdoengh vunzlai gaenxmaenx caeuqfaenh gak loh hong, comz rengz vut gungz, bangrengz gak loh hong, hong vah minzczu gyalai diemjrongh moq.

(Vangz Souciz)

SIUSIK DINJ

● Geij bi neix daeuj, Denhngoz Yen dawz hwnghat fwngh guh dajsiuq dangguh diuzroen youqgaen hawj mehmbwk lajmbanj laisou baenz miz, gaenxmaenx haiguh son dinfwngh dajsiuq daengj, hawj gyoengq mehmbwk lajmbanj hag caeuq cauhyuh gij dajsiuq, baengzdoj, buhvaq daengj doxgaiq fwngh guh miz minzczu daegsaek haenx, hawj minzczu vwnzva ndaej swnj-cienz doengzseiz, daiqdoengh mehmbwk lajmbanj youq bakdou ranz couhnieb, cau-hnieb.

(Denz Siyenj)

● Ndwen 9 ngoenz 16 banhaemh, Bahmaj Yauzczu Swciyen daihcib'it ciengz cunzdauq yienjok ciendaenz banggungz "dwkhingz vut gungz gung-geng, bangrengz saenqhwngh lajmbanj" bae daengz mbanjungzhoh Sihsanh Yangh Lunglez Cunh yienj, yienjok yungh diuqfoux, go, siujbinj daengj hingzsis vunzlai haengj dingq gyaenz yawj haenx, fanjyingj le guh hong vut gungz gung-geng doxdaeuj gij ndwenngoenz, yienghsiengq cingsaenz vunzlai daengj bienqvaq hungloet.

(Veiz Gizfangh)

● Ndwen 9 ngoenz 21 dwg ngoenz daengx beksingq guekfuengz gyauyuz aen daihcibgouj, Denzyang Yen youq yen Baeuqroxdoh Vwnzva Gvangjcanz baij senhconz banjbau caeuq cujcz cungh siuj hagseng bae yinzminz vujcanghbu, dieggoek gungh-ginh capyouq guh guekfuengz gyauyuz hozdung daengj lai cungj hingzsis, haengrengz cienzdoz ngoenz guekfuengz gyauyuz, guekfuengz daihneix caeuq guekgya ancienz daengj mizgven cihsiz, cau'ok gij heiqfaenh naekna daengx biengz "gvansim guekfuengz, gyaenz guekfuengz, haeujcoengh guekfuengz, hwnjguh guek-fuengz".

(Vangz Gozsun)

Daengq Beixnuengx

Aenvih ciet guekgingq cuengqgyaj, ndwen 10 ngoenz 2 bauqceij mbouj ok lo. Hoh beixnuengx vunzlai ngoenzciet angqyangz gwn van youq ndei!